

## **Davvisámegielaht oahpaheaddjit skuvlejuvvojit Oulu ámmátlaš oahpaheaddjeallaskuvllas**

Oulu ámmátallaskuvlla Ámmátlaš oahpaheaddjeallaskuvllas álgá boahhte čavčča earenoamáš davvisámegielaht oahpaheddjiid skuvlejupmi. Skuvlejupmi ordnejuvvo ovttasbarggus Sámi oahpahusguovddážiin. Sámegielaht oahpaheddjiin lea stuorra váilevašvuohta oppa riikkas ja sámeguovllus.

–Mii ordnet oahpaheaddjeskuvlejumi vuosttaš gearddi davvisámegilli. Sisdoalut eai leat dušše jorgalusat suomagielaht oahppoplánas, muhto skuvlejumi vuodđun lea sámepedagogihkka ja báikkálaš sámekultuvra. Mii leat earenoamážit beroštuvvan árbevirolaš oahppama ja máhtu birra sámekultuvrras. Dan dihte min skuvlejupmi lea maidái máhtovuđot ja studeantta ovdalis háhkkon máhttu váldo vuhtii, Tomi Guttorm muitala.

Oahpaheaddji pedagogalaš oahpuid bokte oažžu viiddes pedagogalaš gelbbolašvuođa oahpaheaddji bargguide. Vuodđonjuolgadussan lea, ahte ohccis galgá leat heivvolaš allaskuvladutkkus ja unnimusat 3 jagi praktihkalaš bargovásáhus dutkosa sisdoalu vástideaddji suorggis. Oahpahus lea davvisámegielaht ja gáibádussan lea buorre davvisámegielaht njálmmálaš ja čálalaš giellamáhttu.

Oahput álget lagasoahpahussan Anáris 6.-7.9.2019. Dáid beivviid maŋŋá bargovuohkin leat reálaáigásaš webinárat. Skuvlejupmái leat 10 álggahusbáikki.

Ohcanáigi skuvlejupmái lea 8.-29.1.2019.

### **Lassedieđut:**

Tomi Guttorm  
tomi.guttorm@oamk.fi  
+358 50 5926 805

Samuel  
Valkeapää  
samuel.valkeapaa@sogsakk.fi  
+358 40 4876886

[www.oamk.fi/oahpaheaddjin](http://www.oamk.fi/oahpaheaddjin)